

六河源流圖

登記號 50444

35年 9月 24日

913-735

6067

3

六河源流圖

王梁

昆明縣志卷二圖

一

河料馬
漾水
羊落堡

潭黃龍

水海子

河馬料

山子豹

山尾鼠



五龍山

龍泉山

牧養河

邵甸河

盤龍江

銀潭

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍

盤龍



普賢寺

太華山

〰

龍王廟

〰

羅漢峯

昆明縣志卷之二

縣人戴綱孫輯

風土志第三

郭義恭廣志建甯郡其氣平冬不極寒夏不極暑盛夏如五月盛冬如九月天下之異地海內惟有此馮時可滇行紀畧雲南最爲善地六月如中秋不用挾扇衣葛嚴冬雖雪滿山原而寒不侵膚不用圍爐服裘地氣高寒無霉溼日月與星校中州倍大望後至二十月猶滿花木多異種溫泉隨地皆有四季如春日炙如夏稍陰如秋一雨如冬此通乎滇境言之也昆明爲布政使司

所治國緣環繞川澤淳浚溝瀆通流原田廣衍夏無溽
暑冬不祁寒四時之氣和平如一雖雨雪凝寒晴明旋
復暄燠以地列坤隅得土冲氣故耳攷

京師北極出地四十度江南北極出地三十二度滇會
城北極出地二十四度有奇節氣遲三刻九分二十八
杪冬至日出卯正三刻二分日入酉初初刻十三分夏
至日出卯初初刻十三分日入酉正三刻二分昔馮時
可滇行記詫吾鄉日月之大北斗之低余來京師而亦
訝其冬日之彌短夏日之益長皆曜所習也土瘠而戶
鮮蓋藏地平而人多恬退鴻鵠之舉無心九霄纓簪之

族曾不三世此其所絀者乎范史稱滇有鹽池田漁之饒金銀產畜之富人俗豪汰居官者皆富及累葉何古與今之遠不相及若斯也然士多秀穎素重名義民性淳良不好爭訟昔明太祖之諭沐英曰氣厚風和君子行道之所前志曰野安耕鑿戶習詩書民無告訐之風士有干謁之恥豈過言哉

吾滇人重去鄉昆明爲尤甚縣中自士大夫之服官於外惟鄉舉赴禮部試乃出里門否則井田桑麻以終老田間爲樂也其他牽車牛遠服賈者百不一二見以故淳樸之氣校他處爲優然礙以見聞輒失之室漆園叟

之所謂拘於墟者信乎

日中有市率名曰街以十二支所屬爲街期如子曰鼠街丑曰牛街其例也舊志云街期昔多用貝俗曰貲子一枚曰莊四莊曰手四手曰苗五苗曰索今無矣夫

舊志曰滇會城婚嫁皆遵行六禮儀物豐儉各稱其力喪禮則舊俗尙奢凡弔客皆讌待酬贈必豐以致缺乏而有停喪不舉者至崇信釋道建齋誦經其風固大概相同也又曰宴會昔尙儉約服飾亦崇樸素惟會城客民錯處漸趨於華嗟乎風俗者與時轉移者也方余髫

齟侍諸長者之側其所見聞衡之今凡已數變然國奢
示儉國儉示禮潛化而默奪之雖守土者之任鄉里士
大夫其能不與有責歟

歲時紀

春三月

歲元日曉起人家張燈燭焚香楮設米花

取凍米微燭和糖捏之作

團大小不一小則若毬大有圖如盞者名曰米花團

黃果乾柿之屬以供天地祖

先堂中皆取松鍼鋪地如毯族黨閒往來賀年客之至

者獻以果茗

瀹茗一杯以胡桃松子蜜棗飮之

檳榔

每檳榔一串三二

作餅形剪紙爲花綴其上又疊紅紙爲合其中實以蘆子十餘枚於客將行令子弟或僕從輩盤盛以進之然

舉此禮者惟姻戚始然他客但以磁
檟盛檳榔蘆子各三五枚奉之耳
閱旬有五乃竣

九日謁城南之玉皇閣
立春之日春盤賞春戚交

相慶

俗謂賀
新春

元夕賞燈張樂前期三二日城以內於

三牌坊城以外於通濟橋西忠愛坊南皆燈市也鐵鑊
銀花重局放夜命儔雜還其閒人不得顧車不得
旋矣
十六夜步月嬉游插香道左沿街爆竹之聲不
絕
俗謂走
百病

二月三日謁寶成門外文昌宮觀劇游龍泉觀還憩石

觜莊

在小東門外
左臨盤龍江

臨江釀飲觴詠爲樂
清明埽墓插

柳於門

三月三日謁真武廟西則於羅漢壁東則於鳴鳳山之

銅瓦寺

即太和宮亦曰金殿

舊志云或先期走嵩明中和山雖裹

糧行數日程不憚也 二十八日謁城東之東嶽廟

夏三月

四月八日浴佛其儀設如來小像於殿南榮殿檐皆綴以錫筒爲龍首者九僧徒汲淨水梯而上實龍首中俾懸流下環佛小象濯之下承以盞圓通慧光覺照常樂諸寺禮佛者畢集俗又謂之曰洗太子以釋迦牟尼原淨飯王太子也村媪至捧盞中水濯目云可祛眼疾立夏日插阜茨枝紅花於戶以壓崇圍灰牆腳以避蛇

是月小澤口觀吳西園演劇市三旬或游南壩晏公廟

五月五日懸艾虎門側兒童皆繫百索酌菖蒲酒以角黍相餽猶記三十餘年前聞長老言泛龍舟盤龍江上雲津競渡簫鼓咽闐洵太平勝事也

星回節俗曰火把節當六月二十四五兩日斫松爲燎高丈餘入夜爭然之村落用以照田以炬之明暗占歲豐歉廛市羣兒並杵松脂作粉互相燒灑爲戲其緣始云漢之時有夷婦阿南其夫爲人所殺南誓不從賊卽以是日赴火死國人哀之因爲此會一云南詔皮羅問

會五詔於松明樓將誘而焚殺之遂併其地鄧賧詔妻
慈善諫夫勿往夫不從乃以鐵釧約夫臂旣往果被焚
慈善述釧得夫屍以歸皮羅閣聞其賢欲委禽焉慈善
閉城死滇人以是日然炬弔之

秋三月

七夕婦女穿鍼乞巧以瓜果祀織女星 中元祀先於

家廟無家廟者祀於中堂先是十二日夕卽迎神俗曰

接祖

沒未踰再期者於十一日夕接之其送神以十四日

設餅花以雞冠紅蓼

卽水

莊取新麥菴之俾作芽長八九寸許謂之麥秧盛以盤

其他若石榴葡萄松子

取松毬之大者供之猶未剔出松子也

之屬稱是

皆果實之新成熟以作供養者也

俗尚剪紙衣黏於壁至十五日焚楮鏹時

並熟

既迎神思其飲食思其嗜好必誠懇以奉之至十

五日晡時乃送神俗曰送祖或焚紙衣寓錢楮錠雖販夫樵婦無不竭力以將矣以是夕爲佛盂蘭盆會夜放河燈

八月中秋瓜餅祭月

九月九日於螺峯山登高飲菊花酒以麪簇諸果爲花糕親識相酬饋

冬三月

十月祀先墓祭

日長至疊糯米粉作牢丸糝以豆屑

醯糖食之曰豆麪團族黨閒往來相賀語曰冬至大似
年

臘八日作五味粥 二十三日祀竈 除夕祀先購酒
肉蔬果之屬必具易桃符門丞煨鑪取樺木皁莢爇之
熾炭於盆淬以醋謂可除惡是夕團坐不眠曰守歲飲
酒曰分歲俵錢賜卑幼者曰壓歲

每歲以六月始朔日至六日禮南斗祈年九月始朔日
至九日禮北斗祈年

上

卷

一